

宣和三年睦寇方臘黨洪載由婺州陷處州尋趨溫州溫城守

嚴不得逞復取道處州去

（案）彙紀不言洪載逕書方臘誤今據宋韓元吉裡德祠碑正至碑云

賊犯懿德鄉鄉人蔡子昇梁將梁惠斬首二千賊聞王師來欲赴海而溫已嚴守備且畏我軍乘其後遂納款似賊未薄甌城者考溫州府志實相持四十餘日碑未為得也今從溫志

元

至正十一年閩寇犯處州江浙行省檄溫州守石抹宜孫平之

宜孫以功陞浙東宣慰副使頃之山寇並起宜孫復奉省檄討之築州城為禦敵計

十六年賊鄭甲攻城郡人葉琛章溢胡深合兵擊之甲敗走浮

雲鄉

今屬雲和縣

溢出奇兵擣其巢降之

（案）十七年浮雲泉溪村復有亡賴嘯聚事以非

麗水縣志

卷十三

兵戎

二

麗水啓明印刷所代印

今境不書後俱倣此

十七年行省陞石抹宜孫行樞密院判官總制處州時盜賊憑據險阻輒竊發宜孫用經歷劉基參謀胡深等謀殲殄無遺類

十九年明祖遣僉樞密院事胡大海行樞密院判官耿再成由婺州進取處州石抹宜孫遣元帥葉琛屯桃花嶺參謀林彬祖屯葛渡鎮撫陳仲真屯樊嶺以禦之明兵連勝進薄城下十一月壬寅克之宜孫將數十騎走建甯圖恢復尋知事不可為歎曰處州吾所守往死耳走還慶元明年六月再成追

蹙之宜孫戰死

（案）元史云為亂兵所害今從明史

再成守處州

二十二年二月金華苗帥蔣英等叛殺胡大海處州苗帥李佑之賀仁德聞之亦作亂殺耿再成都事孫炎知府王道同元帥朱文剛並死僉行樞密院事李文忠方撫定金華調兵屯縉縉雲以圖之會再成子天璧奉命起發苗軍中途聞變馳至文忠所得再成舊部千戶朱詢等合兵進勦仁德禦於劉山敗還嬰城自守天璧攻克之仁德佑之俱就擒(案)明史耿再成傳云天璧

聞父難糾部曲殺賊比至李文忠已破賊斬之遂以天璧守處州而李文忠傳但云苗軍殺耿再成叛文忠遣將屯縉雲以圖之初不言其究竟或未為得實也今

從樊獻科安遠將軍耿公配享碑 餘軍遁去相聚掠金華守

將迎戰敗死乘勝復陷處州夏四月己卯親軍指揮胡深從

平章邵榮攻克之酋黨悉伏誅(案)彙紀書胡深事於明洪武元年考深已於元至正二十

麗水縣志

卷十三

兵戎

三

麗水啓明印刷所代印

五年六月死於建寧矣今從明史太祖紀胡深傳正

二十五年二月己丑福建行省平章陳友定侵處州參軍胡深擊敗之

明

永樂二十五年五月縣民周叔光與福建政和民王均亮等聚眾數千人往來兩省剽掠為害事聞兵部尚書李慶等議調沿海備倭都指揮張翥率兵捕之文淵閣大學士楊榮金幼孜共進曰此愚民窘於衣食求活朝夕耳寬之當自散急之且堅其盜心况兵戈所加不免枉及善良願更思處置之宜上曰卿言良是未幾皆就撫

正統十四年春正月山賊葉宗留等攻城宗留宣慈鄉人

今屬宣平

縣明史張驥傳以為慶元人

故礦徒九年七月與陳鑑胡陶得二等聚眾

盜福建寶豐諸礦參議竺淵往捕被執死遂流剽福浙江西

境上勢張甚已而鑑胡以忿爭殺宗留

(案)湯斌撰張楷傳云楷使指揮戴禮往戰

黃柏舖宗留中流矢死今從明史張驥石璞二傳

專其眾自稱大王建元泰定署偽

將帥攻劫金華諸縣官兵屢失利進掠遂昌敗於街亭橋走

還宣慈至是突出破橋

宣今屬平

殺分守參議耿定僉事王晟乘

勝圍城監守銀冶御史李俊知府張佑日夜戒嚴縣人葉鉅

乘間踰南明門入見俊佑建議發庫藏募勇敢斬賊一級者

賞銀五兩應募五百餘人鉅領之出通惠門敗賊於後溪賊

麗水縣志

卷十三

兵戎

四

麗水啓明印刷所代印

焚掠西鄉去鑑胡之始舉也倚閩賊鄧茂七為聲援僉左都

御史張楷征茂七茂七死鑑胡勢孤

夏四月浙江巡撫張驥命麗水丞丁甯老人王世昌等齎榜入

賊巢招之鑑胡偕其黨出降惟陶得二殺使者入山為亂如

故鑑胡至京宥不誅更遇赦釋充留守衛軍也先入犯乘間

亡走被獲伏誅

(案)張驥傳鑑胡降在四月景紀則書處州賊平於九月蓋據俘至之日為言也今從傳彙

紀既誤以張驥為孫原貞又云誘致鑑胡宗留械送京師議將免死會脫綱子疏雪父冤鑑胡伏誅宗留歷功北邊賞以武職

逃歸亦伏誅考宗留已前死無由至京其云歷功北邊者蓋因鑑胡充留守衛軍而傳訛也脫綱得贈恤以景泰三年孫原貞

之請非因其子疏言也

五月別賊劉四劉五陳三等復聚眾奇山肆劫掠指揮沈麟與

戰於滄灘敗死葉鉅率鄉兵三千戰於後坑於擒劉五斬陳  
三追至新嶺而還劉四復鳩黨祝子光等入奇山會官兵繼  
至潰去

六月陶得二黨徐浩入富隆鳩王孟友等圍城造呂公車攻巖  
泉望京二門李俊實薪油籠燃火擲之賊稍却射以強弩賊  
退屯教場俊選民勇授以箠笕銃礮分三道擊之斬隆鳩等  
千餘級生擒五百餘人餘賊敗走北鄉都指揮同知脫綱輕  
騎追之連勝至破橋賊出不意還擊之軍潰單騎轉戰死

景泰元年鎮守浙江兵部侍郎孫原貞進兵搗賊巢俘斬賊首  
陶得二等招撫三千六百餘人追還被掠男女踰月分兵勦

麗水縣志

卷十三

兵戎

五

麗水啓明印刷所代印

平餘寇奏析麗水青田二縣地置雲和宣平景甯三縣建官

置戍盜患遂息

(案)彙紀以招降得二屬之都御史張楷不及原貞一字考楷明史無傳惟附見其孫昺傳

中不言平寇事惟湯斌撰楷傳云正統中擢左僉都御史監左  
都督劉聚等軍討福建鄧茂七茂七死麗水盜陳鑑胡未克楷  
旋師協揜之據此則楷乃協剿非主兵也今定從明史孫原貞  
傳以彙紀所載事蹟較詳且小有異同附錄備考(括蒼彙紀)  
閩寇稍平詔都御史張楷移師討宣寇過蘭谿御史黃英林廷  
舉來會請速進兵楷至處屯兵平地賊衆萬人索戰楷令左右  
夾擊之得二大敗引衆去千戶沈俊云部下多麗水鮑村人父  
兄子弟陷賊者衆可往招之楷令賚榜入山反覆譬曉得二出  
見楷優加賞賚遂與葉希八楊希勉等十餘人來降楷給帖令  
復業得二旋懷疑懼衆如故其在慶元大社者又出掠麗青  
等縣未幾焚其寨出降餘黨聞風散去楷班師回得二復叛攻  
武義劫永康警報至阮孫二總兵即議出師且榜示逆賊渠  
青田沈風麗水徐浩八王志誠葉懷濟王孟紹等悉來首伏誓  
立功贖罪得二聞之懼遁破橋自守官兵進營官橋白橋祝村  
猛湖分三道入破橋孟紹當先陷陣賊敗退守柵門諸義勇越

山後焚其巢得二遯匿東渠山不出既而諸寨悉平令軍快搜山得二懼夜往南湖營欲見楊方伯途遇兵快縛送金華監軍李太監轉解京師五月奏捷班師義勇悉放歸田里處郡始寧

嘉靖二十七年巡撫朱紉討溫盤南麂諸賊還平處州礦盜

三十七年倭自永嘉寇青田鋒銳甚分守參議曹金籍丁壯編什伍晝夜登陴凡四日賊詢知有備不敢進

清

順治三年六月明勳戚方國安兵潰散入處州大掠諸鄉男婦皆逃匿

康熙十三年耿精忠爲亂閩中遣僞中軍都督徐尙朝等陷龍泉遂昌諸縣處協守備王自福遣管隊陳蘭花蕭瞎子陰通

麗水縣志

卷十三

兵戎

六

麗水啓明印刷所代印

尙朝六月十三日賊至城遂陷尙朝令其黨守城而自會僞都督曾養性於金華十二月副都統瑪哈達與總兵李榮陳世凱破之積道山尙朝養性遁走榮世凱進復處州而僞都督連登雲退保雲和石塘嶺擁衆二萬爲負嵎計積歲餘弗拔

十五年甯海將軍貝子傅喇哈簡精銳分三道攻之焚七營破二十八柵斬首七千有奇生擒僞將四十有九餘賊潰散尙朝自福分踞楊梅岡石帆屬青田亦以次削平

咸豐八年戊午春三月粵匪石達開犯衢州遣賊目石進級自龍游越青萌嶺陷遂昌松陽奸淫擄掠哭聲震野時連日大

雨溪水暴漲賊聯扉作筏溺死者前後相繼水陸並行二十七日逼城下郡兵先已奉調出征僅玉環兵百五十人合民團上城發銃擊賊以衆寡不敵潰去城遂陷知府鄭箴退保石帆 二十八日賊四出搜掠附郭十餘里居民不及遠避者脅以入城男女共千餘人

夏四月賊將被擄者每鄉放還數人令其納款立師旅卒兩伍名目勒殷富併有時望者充之多張僞示哄誘愚民卒未有受其給者 初六日總兵周天受率兵勇由武義進勦營於銀場山賊乘其初至繞山後出被圍大戰敗走賊乘勝陷縉雲遣僞總制聶俊民分駐碧湖僞示安民勒令繳錢給領門牌否則焚其廬舍東南北皆然百姓遁居深山三四十里煙火幾絕 十九日北鄉小安何仍璣毀家紓難與母翁氏均被害

五月賊搜掠四鄉搬運糧食絡繹不絕富者困廩皆罄貧者亦升斗無餘見不蓄髮者卽梟示

六月溫處兵備道俞樹風統兵勇進勦駐紮石帆 初八日提督周天受自金華克復武義永康等縣縉雲賊退回郡城而賊首石達開攻衢不下由龍游至遂昌我兵復三路進攻賊知不敵十三日棄輜重遁焚民居三百餘家官軍入城招撫百姓漸次安集焉

咸豐十一年辛酉夏五月粵匪復犯衢州郡城戒嚴松陽在籍  
進士葉維藩乞兵守禦知府李希郊率勇四百名往堵而遂  
昌松陽已陷乃截駐松之堰頭翼曰大雨賊驟至蹙其營奮  
力出戰死者無算進士葉維藩把總金國榮登時陣亡增生  
閭其新受十餘創知府李希郊被執賊脅之跪希郊厲聲大  
罵賊拽希郊至碧湖希郊罵不絕口遂被害十六日城陷越  
二日賊衆盡走金華

秋九月十一日別賊號和會軍者由龍游突入陷遂昌松陽十  
七日竄踞郡城焚劫擄掠尤甚於前知府李澍知縣姚復輝  
退駐石帆招鄉民數千於二十三日攻城賊奮力抗拒民兵

不戰而潰賊四出放火益肆猖獗

冬十月賊目詣金華僞慈王納款藉其聲援爲久踞之計擄掠  
男女皆繫手足勒令以錢取贖富家百計營謀飽其谿壑始  
得放還貧者無力出錢備受酷刑少至一二千文不能得乃  
以板爲杈形釘手足於上置烈日死尤慘焉

十一月賊設卡於四鄉東則巖泉却金館南則礮埠大港頭西  
則九龍碧湖北則太平小安日出擄掠百姓雨行露宿晝伏  
山谷中夜至二更潛歸四更復走避老幼力孱者皆自經死  
十二月除夕大雪鄉民潛歸度賊必不出賊知其無備驟至裹  
男女數千人行大雪中死者相枕藉哭泣之聲震動山谷黃

畝武舉葉成豐奮大刀追擊力戰而亡

(案)葉成豐慶元人住黃畝故人物門不爲

立傳

同治元年春正月賊分股由南鄉入雲和沿途焚劫而石亭石橋頭毛竹魏村畝張山楊山罹害尤酷

二月十五日別賊十餘萬自松陽過西鄉屯北鄉五十餘日百姓無可逃避死者十之八九四月出武義

三月初九日西南鄉生員呂孔昭葉文潮等聯絡雲和團勇堵賊入山之路賊分隊搜十八都關嶺西黃董村里山各堡死者積屍數千人

夏四月四鄉皆設局團勇日與賊戰互形勝負而分卡之賊漸

麗水縣志

卷十三

兵戎

九

麗水啓明印刷所代印

退入城惟駐碧湖者猶在魏村高溪嵐山頭等處焚燒廬舍大肆淫掠

五月十二西鄉監生呂停雲率勇分三隊抄襲賊營雲以銃擊騎馬賊躍取首級爲別賊所傷同時死者呂趙春項老九徐保和尤春志僧悟蘭等二十七人而戰於鄭山松坑口桐樹岡太平庄者則有趙村之何志邵十一都之趙芳坑里之翁國棠南源之劉大榮并子四人皆力竭身亡賊亦大挫

六月金華分股之賊自仙居抵溫州越青田九都山而出擄掠焚劫凡五日夜由大港頭過西鄉下郡城入東北鄉出金華所至蹂躪有合家被擄無一還者 十九日賊復出城燒南



鄉二三都十六村而西之朱雲坑缸窰嶺南坑口東之黃畝  
李佳源北之鳳山前林宅口各團勇擊殺甚多

秋七月台灣挂印總兵陳統兵自浦城下松陽總兵林文察下  
雲和遊擊白瑛至大港頭秦如虎由溫州進營石帆兩路夾  
攻而各鄉民勇麤集聲威大振 十三日總兵陳慮賊由宣  
出松遮我兵之後撤隊至松陽分駐要隘 十五日賊潛出  
通惠門襲官軍營兵勇夾擊斬賊首二名奪器械旗幟無算  
賊遁入城 十六日總兵林文察兵薄城下秦如虎由水道  
至廈河賊不敢出 十七日申刻賊放火遁走官軍追躡之  
自相踐踏死者不可勝計東北鄉民勇復截其去路登山以

木石墜擊壓傷甚夥脫者僅三四百人郡城克復

附  
災異

唐

顯慶元年九月大風雨溺死七千餘人

神功元年水壞民居七百餘家

文明元年大水溺死百餘人

長慶四年七月大水

開成三年水高八丈

宋

大中祥符九年大水朝廷遣使發廩賑貸

咸平六年八月旱禾再稔郡守楊億上表稱賀

明道二年洪水壞民田

熙甯八年大水入城高至天慶觀楣

元豐二年秋至三年春不雨

宣和六年七月水高六丈餘

紹興十四年八月水高八丈溺死三千餘人 十六年大水如

前 十九年夏蝗

淳熙九年大旱

嘉熙四年大旱

寶祐五年大旱

麗水縣志

卷十三

災異

十一

麗水啓明印刷所代印

元

至元十六年六月旱

元貞二年雨黑米可飯

大德九年六月大水

至大二年蝗

延祐元年螟傷禾

泰定二年螟傷禾

至正七年火 十年螟冬大雷雨草木皆華雨黑黍中白如粉

十六年螟斗米千錢道殣相望

明

洪武三年大旱 七年螟

永樂十八年大水

正統五年大水

景泰七年大旱 年麗陽山下麥穗雙歧者五

成化九年大水 十三年大旱 十九年七月禾生黑蟲

正德三年大旱 五年大水平地高五丈 十三年火

嘉靖四年大水 六年大旱 七年大水 十年大旱 十一

年七月二十八日大雨溪水暴漲十餘丈漂流數百家 十

九年蝗 二十年大火自三坊口至府前譙樓是年多火患

二十一年大旱 二十四年大饑死者甚衆 二十九年

麗水縣志

卷十三

災異

十二

麗水啓明印刷所代印

大旱 三十年大水 三十四年大水 明史本紀三十六年免寧紹溫台處五府

被災者稅糧未知何災 三十八年火起縣前延及府治

隆慶二年大旱 三年秋大水

萬歷元年旱早禾盡槁 二年大水 三年旱斗米千錢 十

六年大旱疫 二十四年十月大雪至次年正月不止 三

十一年十二月大火府譙樓災焚民居數百家 三十二年

地震 三十四年府學郡署產紫芝皆重蓋 三十七年大

水漂沒田廬

天啟二年火府前民居延燒殆盡 三年四月大水無麥

崇禎元年春三月隕霜殺麥 五年二月火七月無雨火災四

起蘆灣青林尤甚知府朱葵損賑有差 七年大水田廬漂沒 八年五月大水入城淹官署民房幾盡應星橋城壞死者七人水退沿溪積屍無算知府朱葵按戶賑恤之九月二十五日戌時地震 十年大饑民食蕨根蕨盡蒸白墘泥食之名曰觀音粉

清

康熙二十年雨豆色黃赤堅不可食種之亦不生 二十二年無麥 二十五年四月大雨四晝夜水泛溢漂沒廬田溺者無算五月虎入城八月大旱 二十八年自夏至冬不雨井泉皆竭火災四起冬十月電虹見十二月又火 四十二年

麗水縣志

卷十三

災異

十三

麗水啓明印刷所代印

大旱十一月電 四十九年大風雨雹 五十三年大水 六十一年縣署火

乾隆六十年五月十八日大水壞民田四頃有奇

嘉慶元年正月大寒殺麥八月初一日大風折木壞廬舍 五年六月二十三日大水船踰城入救越二日水退積屍無算册報壞田地五十五頃有奇 六年夏四月雪 八年夏五月朔不雨六月望始雨 十六年夏五月至秋七月不雨民食麻蕨及白土穀一石值錢三千 十七年春二月二十三日大風拔木雹殺麥壞廬舍佛頭巖塔尖飄墜隔岸六月十三日大水成災 二十一年大旱成災 二十五年大旱成

災秋七月二十五日大水壞東城七丈

道光十二年秋九月十五日雪十二月二十四日夜雷電大雪  
山中積丈餘鳥獸多死明年春二月乃霽 十三年冬十二  
月十二日大雪三日 十四年夏五月十四日大水冊報沙  
石壅積田地二十頃三十四畝有奇秋疫斗米值錢六百鹽  
一斤值錢百十 十五年大旱成災 二十二年冬十月初  
三日火自耐心橋至三坊口災民居一百四十七家 二十  
三年七月十二夜大雨山水暴發二十二都二十三都田廬  
漂沒 二十四年冬十二月二十四夜雷電雨雪大雪 二  
十七年旱 二十九年大疫

咸豐三年大水 四年旱 五年七月大水 六年六月初一  
日廈河樟樹大十餘圍無故自焚 初六日南明門外水南  
樟樹大亦十餘圍無故自倒聲震山谷 七年八月地震  
八年九月大疫 九年三月地震 十年五月火  
同治元年八月大疫 八年十一月火自耐心橋至四牌樓下  
焚民屋一百餘家 十年二月大風壞牆壓死三人 十二  
年六月大雨雹傷稼 十三年四月大風折屋壓死數人  
光緒十三年四月二十六日大水高城數尺退時應星樓下城  
牆倒坍十餘丈 二十六年七月二十日大水 八月初十  
日又大水 二十七年九月初十日夜半大港頭庄大火延

燒中段五十餘家 十二月初七日縣前火

宣統元年十月二十一日府前火 三年三月十三日未時城西雨米 七月初九日大水

民國元年七月十八日大水 八月初八日又大水連遭浩劫沿溪一帶田廬漂沒人畜溺斃無算 十二月二十三日高井巷火 七年二月二十七日枯蒼門外火房屋延燒殆盡 七年冬南元區河川下村古樟一株高二十丈幹大十餘圍中空洞高五六丈寬可容百餘人同區玉溪村下有古樟一株西義區概頭庄古樟一株均高十數丈大亦數圍先後均自焚惟河川一株經一晝夜始熄而幹尙剩三分之一若麗水縣志 卷十三 災異 十五 麗水啓明印刷所代印

半月形其枝葉蒼翠如故里人捐建一五顯殿半覆於燼餘樟洞下 十年十月二十日太平坊火 十一年六月大雨兼旬溪水泛溢漂沒田廬水退積屍遍野官紳籌款急賑並蒙華洋義賑會撥鉅款賑濟 十一年九月初三日巖泉門內火 十二年三月下旬北鄉一帶天忽降雹大者如卵人畜擊傷瓦屋毀破田麥木果剝落無存民間損失甚鉅 六月二十七二十八兩日大風 七月初一日大水 十三年民因炭貴入山設鋪燒炭被虎攫斃甚衆

麗水縣志卷十三

兵戎 災異附

麗處山陬非必爭之地而小醜跳梁唐宋以來往往有之清朝休養二百餘年民物滋豐久不睹旌旗之色矣咸豐戊午辛酉三經粵匪之變蹂躪酷焉核實書之居是邦者慎毋以僻陋為無虞也其他水旱癘疫之災并綴列焉

唐

(案)資治通鑑云寶應元年台州賊袁晁攻陷浙東諸州括蒼彙紀因之然通鑑明著信溫等州而不及括則括或未陷也惟唐楊光于赤石樓隱難記有袁晁攻陷當州語然記誤寶應為開元不足據

中和元年十一月遂昌賊盧約陷處州

(案)溫州府志以約為松陽賊今從資治通鑑又

麗水縣志

卷十三

兵戎

十六

麗水啓明印刷所代印

考光于隱難記作於中和二年有太守張公遠降分符語是陷後曾經收復也

梁

開平元年四月錢傳璩討盧約於處州五月約降

(案)彙紀書盧約事云中租

元年約攻劫青田等縣命姪佶陷處州即留守之及吳越王遣兵取溫州逮捕佶至臘口而卒約來據州為刺史自鎮一方多所建置刺史施史君率兵屯寨收集義勇討約誅之今考克讓之德非所望於盜賊約既陷處州推而弗有甘心與佶恐非情實佶既就逮則吳越勝兵自宜守土約適從何來便爾自鎮一方乎施史君官為刺史所刺者何州命之者何朝奚為隱而不言且統軍決勝而募義勇於敵境主客勢殊義於何屬約之興廢首尾廿有八年而以中和元年統之似泡滅漚生僅延晷刻幾於村童之戲劇矣今從資治通鑑正至約之官職出其自署浙江通志書約為唐昭宗時括州刺史竟以偽署為真除殆所未安又以為五代時浙江安撫副使更不知何據也

宋